

Platt partu:

Plattpartu Rundbreef 2026-01

Wiehnachtsmanns Fieravend

Geschenke eerst in'n Sack verpacken,
denn de Geschenke allen geven —
dat geiht em op de Gallen even...
Nahst geiht he mit dat Pack versacken —
mit Hilde, Hans un Heinen even
in'n Dörpskroog nich bloots einen heven,
bet de, de sünst den Sleden lenkt,
bloots torkelnd mit de Leden slenkt.

Prosit Niegjohr, leve plattdüütsche Maten un Frünnen!

Dor sünd wi wedder alltosamen, in en nieges Johr vun dat Kuddelmuddel, dat sik "uns Welt" nöömt! Much dat fründlich, freedvull, glücklich un moi för uns all wiedergahn!

In'n Christmaand is wedder en randvull Bescherung ünner unsen plattdüütschen Christboom tohoopkamen: sooo veel Bidrääg! Natüürlich hett dat Flack [De Welt un Gott](#) de Nees vörn; dat Ruchgraat is de Adventsreeg vun Ludgerd Lüske, de mit den [tweeten](#), [drütten](#) un [veerten](#) Advent wiedergeiht un [Wiehnachten vör den Stall](#) enden deit. Dorüm hebbt sik as Oss, Esel un Schaap in den Stall anner wiehnachtlich Bidrääg versammelt -- winterlich [Lyrik un Vertelln vun Hans-Hermann Briese](#), de [Kulturgeschichte vun'n Adventsklenner](#), de [Dannboom in de Literatur](#), en [Erinnern an de unvergeten Wiehnachtslesen vun Heinrich Behnken](#), en [wiehnachtlich Satire op de Digitaliseern](#)... Dat [Adventsgedicht vun de Brundörper Fierwehr](#) erinnert an vigeliensche Tieden för Fierwehrfruuns, op'n [Wiehnachtsmarkt giff't unwedderstahliche Kantüffelpuffer](#), dat [Wiehnachtslicht överstrahlt allens](#). Un eerst op't [Kinnerflack!](#) Den [Nikolaus wasst de Arbeit över'n Kopp](#), wioldess [de Wiehnachtsmann Hülp kriggt](#); [König un Königin hebbt'n Ehekrises](#), man [Hilligavend geiht allens in Lichtenglanz op](#). De [Woold steiht vull Verwachten](#), ok dat [Minschenhart is vull Höpen](#). Man [Erich Kästner wünscht sik en ganz anner Bescherung](#).

Ok beten wat anners güng uns düssen Maand dör den Kopp. Süffisant nimmt Behrend Böckmann [Pantone un de Naams vun Klöören](#) un de [Verdreihtheiten vun'n Lifestyle](#) op't Koorn, de [Missbruuk vun de Böllerie](#) sleit dat Fatt nu den Boden ut, Thomas Seemann vertellt vun [Swaans op oostfreesche Karktoorns](#), un in't [Natuurnotizbook](#) finnt sik ok merrn in'n Winter blangen [Adventsspazeergäng noch mennig anner winterlich Beobachten](#). Hans-Hermann Briese sien [Marokko-Zyklus geiht mit Deel 3 to Enn](#).

To Enn geiht ok [Hildegard Tölke ehr Bildkalenner](#) mit düssen Maand; dat Bild to'n Dezembermaand kiekt in en eernte, [nich bloots idyllisch \(Barg\)welt](#). De [Saga vun de Ruuchnäch](#)t kümmt mennig Minschen wedder to Sinn. Dat is en Wanneltied, en Tied vun Ümbröök; [dei Sünn wendt sik schienboor](#), de Daag wasst wedder, un opletzt löppt dat Johr [op den Rest un schickt uns en letzten Segen](#).

Nocheens much ik all uns Maten danken, de bi Plattpartu mitdoon doot, mennig dorvun heel kreativ; se hollt uns schöne Siet aktuell an't Weltgeschehn un toglied in de Vagelschau op dat grote Ganze -- un jümmers vull Leevde to uns schöne ole un so lebennige Spraak. Uns Maten överall in de Welt, de mitlesen un geneten doot, wünscht wi wedder en Johr vull schöne Bidrääg. (Villicht mal sülven wat schrieven? Wo weer't? ☺) Un all Minschen vun all Sprachen in de grote Minschenfamilie wünscht wi en wunnerbor nieg Johr!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

[G'sägens Neijohr!](#) Bild-Gedicht vun Ludgerd Lüske (31.12.)
[Notizen ut'n Maimaand](#). Fotos un Verse vun Marlou Lessing (30.12.)
[Bold is Wiehnachten](#). Bild-Gedicht vun Ludgerd Lüske (23.12.)
[Dörch dat Johr: Winter. Versen un Vertelln](#) vun Hans-Hermann Briesen (21.12.)
[Zyklus "Unnerwegens in Marokko", Deel 3](#). Lyrik vun Hans-Hermann Briesen (20.12.)
[Mit Biller dör dat Johr 2025: Dezembermaand](#). Biller vun Hildegard Tölke, Verse vun Marlou Lessing (6.12.)

De Welt un Gott:

[Dei Johrswenn un dei Twölwen](#). Vun Behrend Böckmann (30.12.)
[Dat Wihnachtslicht](#). Vun Behrend Böckmann (26.12.)
[Wihnachten digital](#). Vun Behrend Böckmann (26.12.)
[Wiehnachten vör den Stall](#). Vun Ludgerd Lüske (24.12.)
["Fröhe Kundenbindung"?](#) Vun Meike Balzer-Fraun (23.12.)
[Veer Brundörper Fruens vertelt vun fröher — Deel 10: Adventsfier bi de Fierwehr](#). Vun Meike Balzer-Fraun (22.12.)
[Lieder un Vertellers öwer'n Dannenbom](#). Vun Behrend Böckmann (21.12.)
[Dei veierde Advent](#). Vun Ludgerd Lüske (21.12.)
[All Johren wedder kummt dat Christus-Kind ...](#) Vun Berthold Cordes (20.12.)
[Dei drüdde Advent](#). Vun Ludgerd Lüske (13.12.)
[Öwer Adventskalenner](#). Vun Behrend Böckmann (7.12.)
[Dei tweede Advent](#). Vun Ludgerd Lüske (7.12.)
[En Swaan op't Dack](#). Vun Thomas Seemann (5.12.)

In't Lütte Gebeedbook:

[Höpen in'n Advent](#). Vun Marlou Lessing (9.12.)

Natuur un Wetenschap:

Sünnenwenn. Vun Marlou Lessing (22.12.)

In't aktuelle Natuur-Notizbook:

Adventsnamiddag. Vun Meike Balzer-Fraun (21.12.)

Maan-Halo. Vun Wolfram Rüger, Marlou Lessing (20.12.)

Pantherpilz un Kleverveerblatt. Vun Meike Balzer-Fraun (20.12.)

Late Oorn. Vun Meike Balzer-Fraun (5.12.)

Wat in de Welt vörgeiht:

Leifstäl, Bio un dat leiwe Geld. Vun Behrend Böckmann (22.12.)

Breef an den Wiehnachtsmann. Vun Erich Kästner, Platt vun Marlou Lessing (12.12.)

Johrsfarwen. Vun Behrend Böckmann (9.12.)

In't plattdüütsche Notizbook vun Marlou Lessing:

Böllerverbot? Sülven schuld! (31.12.)

Ach, Donnie... (23.12.)

Postfaktische Talmi-Freden (5.12.)

För Kinner:

Modder Sünn ehr Kinner: In'n Lichtenglanz. Märken vun Sophie Reinheimer, överdragen vun Klaus-Dieter Tüxen (25.12.)

Modder Sünn ehr Kinner: Se helpen den Wiehnachtsmann. Märken vun Sophie Reinheimer, överdragen vun Klaus-Dieter Tüxen (24.12.)

Von'n Königin, dei kein Päpernoet backen, un'n König, dei kein Muultrommel spülen künn. Märken vun Richard von Volkmann-Leander, Platt vun Behrend Böckmann (12.12.)

Nikolaus in de Bredullje. Vun Billa Frerich (6.12.)

Hartlich grööt

Marlou Lessing un dat lütte Plattpartu-Team